



16. november 2017

Inatsisartut suleriaasiat § 37 naapertorlugu matumuuna Naalakkersuisunut apeqqut imaattoq saqqummiuppara.

Kiffartuussinissamik isumaqatigiissuteqarluni angallassiffiusut amerlanersaat qulimiguulik Bell 212 atorlugu angallassiviusartut ukiuunerani kaperlattartumiittut tamakkiisumik kiffartuunneqarnissaat qulakkeerniarlugu iliuusissat suut Naalakkersuisuniik iliuse-rineqarniarpat ?

(Jess Svane, Siumut)

Tungavilersuut:

Ilisimatinneqarpugut nunatta avannaani silaannakkut angallannermi qulimiguulik Bell 212 taartumi timmisinnaanera unitsinneqarsimasoq. Tassa silap qaamanerani taamaallaat angallassisarnissaq suogaluarnersunik pissuteqartinneqarluni ilisimatitsissutaasimasoq.

Ilisimatitsineq ilumoorsimappat kingunerisussanngorpaa kaperlattartumiittut angallanniarnikkut imaannaangittorujussuarmik nalaataqalersut. Tassami illoqarfinniik nunaqarfinnut ingerlaqqittussat eqqarsaatigalugit amerlanerpaatigut avannaanut angalatinneqartut ualereernerani ingerlaartarput, tassa sila taarsereersoq suluusalinnut mittarfeqarfiusumut apisittarput taarsereermat ingerlaqqis-sinnaajunnaareerlutik.

Sulilu imaannaanginnerujussuanngorpoq avannarpasinnerusortatsinni qaammataannaangittumi kaperlattarmat.

Naliginnaasumik suliffiusut ullut qulit qaangiutsinnagit akineqarnissara kissaatigaara.